



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illvstrivm Virorum Poemata

Cesarini, Virginio

Antverpiae, 1662

Ad Ferdinandvm Fvrstenbergivm, ...

urn:nbn:de:hbz:466:1-7990

APOLLONII FLORENTIS. 17

Eueniet : tibi perpetuò sic vota secundent ,

Et faueant cœptis numina leta tuis :

Principis & magni viridi dent robore vitam

Proferre ad Pylij tempora longa senis.

A D

F E R D I N A N D V M

F V R S T E N B E R G I V M ,

De reditu cogitantem in Germaniam

anno CIO. IOC. LIV.

C *Vi fausta lato sidera lumine*

Risere , molli quem placida sinu

Fouere nascentem Camœna , &

Ambrosijs aluere succis :

Cui ductus altè sanguis , & inclytæ

Longo sequentes ordine imagines ,

Chartæq; signantes parentum

Facta , domus monumenta magna ,

Monstrant auito nobile iter gradu

Virtutis , arces quæ datur igneas

Inire , doctrinæq; suadent

Aërium superare culmen :

B

Laboriosâ

Laboriosâ nil opus aleâ
 Mutare dulces exilio lares,
 Et quærere incertum remotis
 Regna procùl peregrina terris.
 Sed te beati viuidus ingeni
 Adegit ardor limina linquere
 Paterna, præclaros ut exul
 Egregius fugeres penates
 Primâ in iuuentâ. Nec sine numine,
 Fernande, Diuûm, principe in urbium
 Resistis, ingentemq; lustras
 Latè oculis animoq; Romam.
 Iacere moles nubibus aspicias
 Olim propinquas, & decora imperi
 Miratus, immani ruinâ, &
 Marte doles cecidisse vestro.
 Mox de superbo puluere nomina
 Maiora cernis, regnaq; surgere
 Aeterna, quæ victrix per orbem
 Relligio, pietasq; summis
 Aquauit astris. Impiger ultimo
 De fonte, riuos hîc sapientie
 Hauris, & ad plenum benignâ
 Pulcra sitis satiatur undâ.

APOLLONII FLORENTIS. 19

Purum vetusti temporis aureas

Hic pectus artes combibit, & sacrâ

De fronde iam nectis coronam

Crimibus, Ausonioq; vates

Incedis inter carmine nobilis,

Cui plaudit amnis regius assonans,

Collesq; septeni resultant,

Quo Latia recreantur aures.

Natale fratres imperijs solum

Bellisq; fetum pectore Martio

Colant tuentes, & sub Arcto

Auspicijs volitent secundis.

Ad pulcra pacis munia te vocat,

Poscitq; calum mitius: huc tua

Te sistit, & celsos honores

Insequitur generosa virtus.

Vt orba dulci coniuge, & unico

Fecunda nato, mæsta tenet parens

Amplexa cedentem, nec vdo

Fixa sinit properare vultu:

Sic Roma cari dum capitis fugam

Rumore tristi nunc timet anxia,

Supplex moratur, sic amici

Te precibus retinent Quirites.